

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XLI No. 12
Hunyo 21, 2010
www.philippinerevolution.net

Editoryal

Gub-on ang mga reaksyunaryong ilusyon sang paglaum

Isa ka ilusyon sang paglaum ang ginabalay sang imperyalismong US kag mga tagapabugal sang nagaharing sistema. Ang paghamtang kay Benigno Aquino III bilang bag-o nga lider sang papet nga estado ginalaragway nga patimaan sang pagbag-o makaligad ang siyam ka tuig nga lapnagon nga korapsyon, brutalidad kag pagkapapet sang rehimenng Arroyo.

Ang ginabalay nga ilusyon mayor nakatum-ok sa paglangis sa petiburgesyang urban para palig-unon ang pagsalig nila sa bag-ong rehimen kag nagaharing sistema kag palapnagon ang ilusyon nga ini sa pumuluyo. Tuyo sini nga tabunan o hatagan-rason ang pagpadayon sang mga anti-nasyunal, anti-demokratiko kag kontra-pumuluyo nga polisiya kag programa sang papet nga reaksyunaryong gubyrno kag estado.

Daku nga hangkat kay Aquino ang pagsabat sa demanda sang pumuluyo kag maghimo sang mga tikang para lagson kag si-

lutan si Gloria Arroyo. Sa pihak nga bahin, obligado si Aquino nga tumanon ang kasugtanan sa mga Arroyo nga gin-areglo sang US agud tratuhon nga ala-Marcos o ala-Estrada si Arroyo sa atubang sang mga kaso nga igapasaka sa iya. Tuyo sang kasugtanan nga ini nga mapabilin ang kalig-on sang nagaharing sahi kag sistema, kag lakip ang paghari ni Aquino.



Mga tampok sa isyu nga ini...

Panubli ni Arroyo kay Aquino
PAHINA 5

22 armas, naagaw sg BHB
PAHINA 7

Pasidungog kay Joan Hinton
PAHINA 9

Ginapatuman sini, sa isa ka lebel, ang ginaduso sang US nga panubon ang kasingkion sang banggianay sang mga nagaharing sahi para konsolidado nga matum-ukan nila ang pagbato sa pumuluyo.

Wala pa man makapungko, nagkambyo na subong si Aquino sa pagpanubo sang mga ginalauman sang pumuluyo agud indi maglabot sa daku nga kaakig kag pagbato ang iya mga kapaslawan. Ginhambal niya nga kinahanglan mangin “rasonable” kag “matuod” ang mga ekspektasyon.

Sa tunga sang nagalala nga krisis sang nagaharing sistema, madasig nga mahublasan ang wala unod nga islogan nga “kon wala sang korap, wala sang imol” ni Aquino. Labi nga magalala kag magatampok ang kaimulon sa atubang sang kawad-on sang programa ni Aquino para lubaron ang basehan kag tampok nga mga problema sang banwa. Dugang pa nga magapadayon ang burukrata-kapitalismo kag korapsyon nga subong pagaharian sang bag-o nga hubon sang daku nga negosyante kag burukrata nga nagsakay kag namuhunan sang daku sa iya kampanya.

Dugang nga krisis ang maga-

sumalang sa pagpungko sang rehimen US-Aquino 2. Padayon ang pagsadsad sang bilog nga nagaharing sistema sa labing pagdalom sang krisis kag paglala sa ginaantus nga kabudlayan sang pumuluyo.

Sa madugay kag madali, ang nagapalala nga disgusto sang pumuluyo kag pagkaguba sang ilusyon sang paglaum magakadto sa malaparan nga pagkontra kag pagbato sa pagpadayon ni Aquino sang mga mapanghimulos kag mapiguson nga polisiya kag patikang. Ang panawagan para sa rebolusyonaryong pagbag-o madasig nga magasulod sa paminsaron sang pumuluyo.

Sa atubang sang padayon nga rebolusyonaryong pagbato sang pumuluyo, magasalig sang daku sa magkatuwang nga paggamit sang pagpaniplang kag pasismo sang estado ang rehimen US-Aquino 2 para mapabilin ang iya pagginahum. Lauman nga igabalik kag pagagamiton ni Aquino ang *low-intensity conflict* (LIC) pareho sang rehimen US-Aquino 1. Madumduman nga gingamit sang rehimen US-Aquino 1 ang postura nga malimpyo, maki-demokratiko kag maki-kalinungan agud abusuhon ang gahum, kawaton ang kaban sang

banwa, himuslan ang pumuluyo kag buhian ang lubos nga kabangis sang pasistang pwersa sang estado agud tapnaon ang mga nagabato.

Wala sang ginbibilin sa masang mangunguma ang rehimen US-Aquino 1 kundi isa ka paltik nga programa sa reporma sa duta. Masaker sa Mendiola kag Lupao ang ginsabat sa ila pagbato. Linibo ang ginrekrut kag gin-armasan sa mga grupong paramilitar kag panatikong kulto nga gingamit para tapnaon ang mga paghimakas sang banwa. Ginpapagsik ang anti-komunista nga saywar.

Lauman naton nga liwat pagagamiton ni Aquino ang doble-kara nga taktika sang LIC. Lauman naton nga padayunon ang kabangisan sang OBL 1 kag 2 sa idalum sang bag-o nga bansag nga may lakip nga mas mabaskog nga opensiba sang saywar.

Pasaligon sang rehimen US-Aquino 2 ang pumuluyo paagi sa pagpatuman sang pila lang ka reporma. Angut sini, pagagamiton ni Aquino ang mga repormista kag paltik nga progresibong grupo pareho sang Akbayan agud magpakuno-kuno nga ginasadag sini ang interes sang pumuluyo. Ang mga grupo nga ini ang magapanawagan sa pumuluyo para magpakuntento sa mga pakitang-tawo kag paltik nga solusyon, likawan labi na ang halambalanon sang kumprehensibo nga reporma sa duta sa Hacienda Luisita kag iban pang mga asyenda sang daku nga agalon nga mayduta. Ipalayo nila ang pumuluyo sa rebolusyonaryong dalan kag mapayo ang pangpulitika kag militar nga pagbira sa rebolusyonaryong hublag.

Sa kaumhan kag mga komunidad sang mga mamumugon kag imol sang syudad kon sa diin may presensya ang mga rebolusyonaryo kag progresibong pwersa, magatum-ok ang rehimen US-Aquino 2 sa labi nga paggamit sang “civil-



Tuig XLI No. 12 Hunyo 21, 2010

Ang *Ang Bayan* ginabantala sa lenggwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan. Malab-ot kami paagi sa e-mail sa: angbayan@yahoo.com

Kaundan

Editorial

Gub-on ang mga ilusyon sg paglaum 1

Daang gawi 3

Pagpanghalit sg pasistang estado

Aktibista, katapo sg midya, ginpatay 4

Mga detenidong pulitikal, hilwayon 4

Pag-imbestiga sg *automated elections* 5

Panubli ni Arroyo kay Aquino 5

Madinalag-on nga TO

22 armas, naagaw sa mga inaway 7

4 bihag sg gera, ginhilway 7

Ka Roque: Milisya sg banwa 8

Isganan nga milisya 8

Joan Hinton, proletaryong internasyunalista 9

9th ID, butigon 10

Sa luwas sg pungsod

Oil spill sa Gulf of Mexico 11

Balita 11

Ang *Ang Bayan* ginabantala duha ka beses kada bulan sg Komite Sentral sg Partido Komunista sg Pilipinas

military operations” (CMO) kapin pa sa diin masingki ang armadong inaway kag mga pangmasang paghimakas. Ini samtang ginaduso ang brutal nga kampanya sang pagtapna.

Pero tanan nga ini wala sang epekto sa atubang sang todo-todo nga paghimakas sang pumuluyo. Dapat painiton sang pumuluyo ang ila mga pangmasang paghimakas para sa tunay nga reporma sa lupa kag batuk sa nanari-sari pa nga problema sang mga mangunguma sa kaumhan, batuk sa indi matarung nga sweldo, kawad-on kag kaswalisasyon sang trabaho, nagatimbuok nga presyo sang mga balaklunon kag kulangan sang mga serbisyo sosyal pareho sang edukasyon, pabalay kag ikaayong lawas; batuk sa korapsyon; batuk sa pagpanaog sang mga buhis kag iban pa nga polisiya nga neoliberal nga ginaimposar sang IMF-WB; para sa pagpangapin sa tawhanong kinamatarung kag batuk sa pasismo; batuk sa pagpasilabot militar kag mga pagpang-abuso sang mga tropa sang US; kag para sa tunay kag signipikante nga pagsulong sang sugilanon pangkalinungan.

Handum sang rebolusyonaryong hublag ang pagpadayon gihapon sang madugay na nga nauntat nga negosasyon pangkalinungan sa anuman nga reaksyunaryong gubyrno nga gusto magpungko kag makigsugilanon. Bisan pa man, duda ang madamo sa kaseryosohan sang bag-ong rehimen sa sugilanon pangkalinu-

ngan bilang patag sang paglubad sa mga basehang problema nga amo ang ugat sa armadong inaway. Ginapanan-aw nga daku man nga sablag diri ang pagpangibabaw sang mga panatiko nga anti-komunista sa panel sang Gubyrno sang Republika sang Pilipinas nga interesado lang sa pagguba sa rebolusyonaryong hublag.

Samtang ginasulong ang rebolusyonaryong paghimakas, dapat lubos nga ipakigbato sang pumuluyo ang mga pagbag-o para itib-ong ang ila demokratiko kag pungsodnon nga interes. Samtang pangunahon ang armado nga rebolusyonaryong paghimakas, may maagum man sa patag sang mga pangmasang paghimakas, parlamento kag negosasyon pangkalinungan. Kadungan sini, dapat lubos nga ihayag ang mga repormista kag kuno progresibong grupo nga ginagamit kag nagapagamit sa reaksyunaryong sistema.

Dapat lubos kag padayon nga dalhon kag palabuton ang mga kahublagan kag pangmasang paghimakas sa rebolusyonaryong paghimakas bilang solo nga dalan sa tunay nga pagbag-o kag pag-angkon sang mga patriyotiko kag demokratikong interes sang pumuluyo.

Ang anum ka tuig sa idalom ni Aquino ang magserbi nga konteksto sang labing pagpasulong sang mga kahublagan, pangmasang paghimakas kag todo nga pagpalarga sang inaway gerilya agud abuton ang lebel sang pagkapatas sang inaway banwa. **AB**

Daan nga gawi

Sandig sa mga pahayag ni bag-o nga presidente Benigno “Noynoy” Aquino III kag sang mga tawo nga nakapalibot sa iya, wala sang malauman nga pagbag-o sa masunod nga reaksyunaryong rehimen angut sa dalagan kag mga polisiya sa ekonomya.

Magalala pa ang panghimulos sang mga imperyalistang US, daku nga kumprador kag daku nga agalon nga mayduta, lakip na ang mga Kamag-anak, Inc. kag mga namuhunan sang daku sa iya kampanya.

Isa ka indikasyon lang sini ang kon ano ang pag-atubang ni Aquino sa isyu sang kawad-on sang duta kag hustisya sa Hacienda Luisita. Maathag nga wala siya sang intensyon nga resolbahon ang mga isyu sa sulod sang asyenda.

Antes pa iproklama si Aquino, nagpahayag na sang kalipay kag pagsalig sa iya ang sari-sari nga mga organisasyon sang mga daku nga dumuluong kag lokal nga nego-

syante. Lakip diri ang US Chamber of Commerce kag ang lokal nga sang sini, ang Joint Foreign Chambers of the Philippines kag iban pa.

Indi man matago nga sa likod ni Aquino ang pila sa mga pinakamalaut nga tagapangapin sang mga polisiya nga neoliberal, lakip ang anay adbayser ni Arroyo nga si Joey Salceda. Bisan si Mar Roxas, ang iya nalutos nga bise presidente, nagserbi nga sekretaryo sang Department of Trade and Industry sa idalom ni Arroyo. Ara man sa likod ni Aquino ang mga nagsuhes-tyon kag nagaduso nga ipasa ang Value Added Tax (VAT) kag iban pa nga mga makahalit kag kontra-pu-

muluyo nga padihot ni Arroyo pareho nanday Ralph Recto (anay hepe sang NEDA ni Arroyo) kag Cesar Purisima, anay sekretaryo sang Department of Finance ni Arroyo.

Ginkomisyon na ni Aquino ang isa ka tim halin sa School of Economics sang University of the Philippines para balayon ang iya adyenda sa ekonomya. Ang mga myembro sang akademya nga ini ang nangin mga adbayser man ni Arroyo. Lakip sa mga ginaduso nila ang gilayon nga pagpatuman sang pagtaas sang VAT halin 12% pakadto 15% kag pagpagamay sang parte sang mga serbisyo sosyal sa pungsodnon nga badyet. Ang mga ekonomista man nga ini ang mayor nga tagasakdag sang liberalisasyon, deregulasyon kag iban pa nga neoliberal nga reporma base sa balayon kag polisiya sa ekonomya sang imperyalismong US. **AB**



Aktibista, myembro sang midya, ginpatay

Tatlo ka myembro sang midya, isa ka aktibista kag duha ka sibilyan ang pinakaulihi nga mga biktima sang pagpamatay, suno sa mga natipon nga report sang *Ang Bayan*.

Hunyo 19. Gintiro tubtub sa mapatay sang duha nga wala pa makilala nga lalaki si Nestor Bedolido, isa ka manunulat para sa *Kastigador*, isa ka simanal nga pahayagan sa Davao del Sur. Ginpatay siya pasado alas-7:00 sang gab-i sa Digos City. Si Bedolido ang pangatlo nga mamahayag sa pungsod nga ginpatay sa sulod lamang sang lima ka adlaw.

Hunyo 15. Ginluthang si Jose-lito Agustin, 37, brodkaster sang dzJC Aksyon Radyo Laoag sa dulunan sang Laoag City kag banwa sang Bacarra, Ilocos Norte. Napatay siya samtang ginabulong sa ospital. Si Agustin kilala sa iya mga kritikal nga komentaryo batuk sa kagarukan sa prubinsya. Suno sa isa ka saksi, ang nagpatay kay Agustin badigard sang isa ka lokal nga pulitiko. Antes ini, gin-istrating ang balay niya sa Bacarra

sang Mayo 7. Si Agustin ang pangatlo na sa mga mamahayag nga ginpatay sa prubinsya.

Hunyo 14. Ginpatay sang isa ka wala pa makilala nga lalaki si Desiderio "Jessie" Camangayan, 52, isa ka brodkaster sang Sunrise FM nga nakabase sa Mati City. Ginpatay siya samtang nagaserbi nga *emcee* sa isa ka kontest sa pagkanta sa Barangay Macopa, Manay, Davao Oriental mga alas-10:30 sang gab-i.

Suno sa National Union of Journalists of the Philippines-Davao City, si Camangayan kilala nga kritiko sang pagmina kag iligal nga pagtroso sa Davao Oriental. Siya kag sanday Agustin kag Bedolido ang ika-101, 102 kag 103 mamahayag nga ginpatay halin sang magpungko si Arroyo sang 2001.

Sa amo man nga adlaw, gintiro tubtub sa mapatay sang duha ka

lalaki nga armado sang pistola nga kalibre .45 ang aktibista nga si Benjamin Bayles, 42 anyos, sa Baryo Buenavista, Himamaylan City, Negros Occidental.

Katapu si Bayles sang Karapatan, September 21 Movement kag Bayan Muna.

Duha ka suldado sang 61st IB nga suspek sa krimen ang gin-aresto sang pulisya sa isa ka tsekpoynt sa Kabankalan City. Nakumpiska sa ila ang mga pistola nga ginadudahan gingamit sa pagpatay.

Hunyo 1. Wala kaluoy nga gintortyur kag ginpatay sang mga suldado sang 9th ID sanday Jolito Etang kag Borromeo Cabiles. Gindukot ang duha sang mga militar nga nagpakuno-kuno nga mga Pulang hangaway sa Sityo Canela, Baryo Baang, Mobo, Masbate. Nakit-an ang ila mga bangkay sang Hunyo 3. Bali-bali ang mga tul-an kag dunot ang itlog sang mga biktima sang sila makit-an. AB

Paghilway sa mga detenido pulitikal, ginainsister

Hilwayon ang tanan nga mga detenido pulitikal sa bilog nga pungsod! Ini ang ginainsister subong sang Samahan ng Ex-Detainees Laban sa Detensyon at Para sa Amnestiya (SELDA) sa bag-o nga magapungko nga pangulo nga si Benigno "Noy" Aquino III.

Suno kay Fr. Diony Cabillas, katapu sang National Secretariat sang SELDA, may 317 nga mga bilang-gong pulitikal sa nagkalain-lain nga kulungan sang pungsod humalin pa sang Enero 2001 sang magpungko si Gloria Arroyo tubtub subong nga Marso 2010. Lakip diri ang 43 *health workers* nga iligal nga gin-aresto sa reyd sang militar sa isa ka *resort* sa Morong, Rizal sang Pebrero 6.

Sila ginapasakaan sang mga ka-

so nga pareho sang mga ordinaryong kriminal nga kadam-an indi pwede pyansahan pareho sang *murder*, *frustrated murder*, *kidnapping*, *arson* kag *illegal possession of firearms*. Pila lang sa mga detenido ang ginpasakaan sang kaso nga rebelyon nga pwede pyansahan.

Kon may pulitikal nga panimuot si Aquino, siling ni Fr. Cabillas, mahimo na niya nga hilwayon ang mga detenido pulitikal. Sa pinakaminimo,



ginaduso sang SELDA nga padasigon ang pagbista sang ila mga kaso.

Tanan nga mga detenido nakaa-gi sang nagkalain-lain nga porma sang pisikal kag sikolohikal nga tortyur sa idalom sang rehimeng Arroyo. AB

Pag-imbestiga sa *automated elections*, ginaduso

Bisan pa ginaduso sang COMELEC nga sarado na ang halambalanon sang kredibilidad sang nagligad nga eleksyon, indi sini mabalibaran ang wala-tuo nga mga pamangkot kag pagduda sa ginhimo sini nga pinakauna nga *automated* o de-kompyuter nga pag-isip sang mga boto sang Mayo 10 kag ang pagka-lehitimo sang mga resulta sini. Talalupangdon sini ang pagpasilabot sang US sa proseso.

Nagkalainlain nga organisasyon kag institusyon ang nagademanda nga padayunon ang mga pag-imbestiga sa dalagan sang *automated elections*.

Sining Hunyo 13, ginduso sang Center for People's Empowerment and Governance (Cenpeg) sa COMELEC nga buksan ang tanan nga mga dokumento para makahimo ang nagkalainlain nga grupo sang kumprehensibo kag independente nga pag-analisa kag pagtasa sa natabo nga *automated* nga eleksyon.

Ginahingyo sang Cenpeg ang pagbukas sa publiko sang indi magnubo sa 22 importanteng papeles lakip ang *source code* sang programa nga nagpadalagan sa kompyuter nga pag-isip sang boto, ang pahayag sang transmisyon sang mga ini halin Mayo 10, imbentaryo sang mga gingamit nga

compact flash card lakip na ang ginbawi kag iban pa. Ginapangayo man nila nga ibukas sa publiko ang kontrata sa tunga sang COMELEC kag Smartmatic-TIM.

Nagplastar man ang Ibon Foundation sang basehan nga pamangkot kon ngaa gintugyan sang COMELEC ang lubos nga kontrol sang isa ka pribadong kumpanya ang pagpadalagan sang eleksyon. Suno sa Ibon, ang pagbutang sang kontrol sa kabilugan nga proseso sang *automated elections* sa kamot sang isa ka pribadong kumpanya nagatuga sang daku nga bulnerabilidad sa manipulasyon kag pagpangdaya.

Ang pinakaseryuso nga pagpakamalaut sa Mayo nga eleksyon nag-umpisa kay Prof. Jose Ma. Sison, tagapangulo sang International League of Peoples' Struggle. Sa isa ka interbyu sa *Pinoy Weekly*

sang Hunyo 5, ginsiling ni Sison nga anom ka simana antes ang eleksyon nagsugilanon na sanday Gloria Arroyo, ang US CIA kag tiglawas sang pamilya Aquino nga si Pinky Abellada para lutuon ang resulta sang *automated elections*.

Siling niya, "May mga patimaan nga sa *automated electoral system* sang Smartmatic, nga kontrolado sang US kag mga ahente nila, may natabo nga *pre-programming* para padag-on sanday Benigno Aquino III kag Jejomar Binay. Bal-anon nga ginbuhan sang daku nga boto sanday Manny Villar kag Loren Legarda. Sobra kag indi mapatihan ang gulpe nga pagbagsak nila."

Pareho sang ginalauman, ginhimutig ni Abellada kag sang Malacañang ang akusasyon ni Sison. Siling ni Sison sa isa ka pahayag (Hunyo 12) nga sa natalana nga panahon magahayag ang iya impormante para hambalon kon diin kag san-o nagkita sanday Abellada kag Arroyo. Pero antes niya ini himuon siguruhon anay sang impormante ang seguridad niya kag sang iya pamilya. AB



Panubli ni Arroyo kay Aquino

Pagapanubli sang bag-o nga pangulo nga si Benigno "Noy" Aquino III ang atrasado kag bangkaroteng sistema nga labing ginpagaruk pa sa siyam ka tuig nga paghari sang rehimeng Arroyo.

Sa isa ka pagkumparar nga ginhimo sang Ibon Foundation, isa ka pribadong organisasyon sa pagpanalawsaw, madulom ang palaabuton nga igabilin sang rehimeng Arroyo. Ginkumparar sang Ibon ang mga pangako ni Arroyo sa iya nga mga nagligad nga pamulong-pulong sa mga aktwal nga nahimo sang iya rehimen sining nagligad nga siyam ka tuig. Masunod ang mga kinalain:

Sa pangako sang rehimen nga dulaon ang kaimulon: Umpisa 2000 tubtob 2006, nadugangan sang sobra tunga sa milyon ang mga pamilya nga imol, suno mismo sa konserbatibong mga estadistika sang National Statistical Coordination Board. Nagdaku man sang 2.1 pamilya o 27.6 milyon nga Pilipino ang nagaantus sa pareho nga panahon. Sa pihak nga bahin, nagdaku sang masobra P116 bilyon ang neto nga kita sang pinakamanggaranon nga kumpanya sa Pilipinas.

Sa pangako nga ipanagtag ang duta: Si Arroyo ang may pinakagamay nga napanagtag nga kadutaan kumparar sa mga rehimen pag-

kapukan sang diktaduryang Marcos. Suno sa Department of Agrarian Reform, nagalab-ot lang sa 119,301 ektaryas kada tuig halin 2001 tubtob 2008 ang napanagtag nga duta sa idalom sang rehimeng Arroyo. Wala sini naabot ang napakagamay na nga ipanagtag nga 200,000 ektaryas kada tuig (100,000 ektaryas sang pribadong duta kag 100,000 ektaryas sang pangpubliko nga duta.)

Sa pangako nga may bag-o kag dugang nga mga trabaho: Sa siyam ka tuig nga paghari sang rehimen siyam ka tuig man nga nalista ang pinakamataas nga tantos sang disempleyo. Ara sa abereyds nga 11.2% ang ginlista nga tantos sang disempleyo sa mga ginmanipula sang datos sang National Statistics Office. Nagalab-ot sa 4.3 milyon nga Pilipino ang wala sang trabaho sining Enero 2010, mas mataas sang 730,000 kumparar sang Enero 2000. Ang mga kulang sa trabaho ara sa 7.1 milyon na, mas mataas sang 2.24 milyon kumparar sang Enero 2000.

Ginapakadaku ni Arroyo nga may natuga nga 877,000 trabaho kada tuig halin Enero 2001 kag nagalab-ot kuno ini sa 36 milyon pag-abot sang Enero 2010. Pero kadam-an sang mga trabaho nga ini partaym kag manubo ang kalidad. Daku nga bahin sa ginatumod sang rehimen nga “may trabaho” (36 milyon) ara sa kategorya nga “mamumugon nga pamilya nga wala nagasweldo.” Ang 12.1 milyon naman ara sa kategorya nga “nagapag-employo sa kaugalingon” kag ara sa 12.6 milyon naman (o sangkatlo lang) ang matumod nga swelduhan nga mga mamumugon.

Sa sektor sang agrikultura, nagalab-ot lang sa 172,600 ang natuga nga mga bag-ong trabaho kada tuig sining nagligad nga siyam ka tuig. Sang 2009, nagbagsak sa pinakamanubo nga lebel ang produktibidad sang sektor. Nagalab-ot

lang sa 18.1% ang bahin sini sa GDP sang pungsod, pinakamanubo sa bilog nga kasaysayan sang Pilipinas. Sa sulod sang 2001-2009, pinakadamo ang mga Pilipino nga nagpangita sang trabaho sa luwas sang pungsod. Kada tuig, ginatan-tya nga naglab-ot sa 1.04 milyon ang nag-aplay kag nagsulod sa luwas sang pungsod, kumparar sa 500,000 Pilipino sadtong panahon ni Cory Aquino, 713, 505 sang panahon ni Ramos kag 839,324 sang panahon ni Estrada. Ara sa 1.42 milyon ang naggwa sa pungsod sang 2009, o katumbas sang 3,898 Pilipino kada adlaw. Suno sa Department of Foreign Affairs, nagalab-ot na sa siyam ka milyong Pilipino ang nagatrabaho sa luwas sang pungsod.

Sa pagsabat sa mga reklamo sang publiko: Ang rehimen Arroyo ang may rekord sang pagpaluntad sang pinakagamay nga dugang nga sweldo halin pa sang diktaduryang Marcos. Nagalab-ot lang sa P5 ang tunay nga balor nga nadugang sa sweldo sa sulod sang siyam kag tunga sa tuig.

Gin-upangan sini ang pagpasar sang hagna para P125 dugang nga sweldo nga madugay na nga ginademanda sang mga mamumugon kag mga unyon nila. Nagadaku nga nagadaku ang lang-at sa tunga sang minimum nga sweldo (P404 sa NCR) kag makabuhi nga sweldo para sa isa ka pamilya nga may anom katawo (P957 sining Hunyo 2010).

Sa pagtatap sa kada Pilipino: Naghatag lang ang rehimen Arroyo sang 15.1% sang nasyunal nga badyet para sa edukasyon, mas manubo sang nagligad nga duha ka rehimen. Para sa serbisyo medikal, naghatag lang ini sang 1.8% kag para sa pabalay, 0.4%.

Sa patag sang edukasyon, nagdamo sang 2.45 milyon ang isip sang mga bata kag pamatan-on wala nakaeskwela halin 2001-

2009. Halos lima ka milyon nga bata kag pamatan-on ang indi makaeskwela sa subong.

Sa pagtukod sang “bag-ong ekonomya,” pagsulong pakadto sa istatus sang First World kag lain-lain nga kabuangan: Ginbandera sadto sang rehimen ang Business Process Outsourcing, mas kilala sa mga *call center*, bilang “bag-ong” industriya nga magasulong sang pungsod pakadto sa kauswagan. Madasig ang paglapad sang nasambit nga mga kumpanya pero sa pihak sini, nagaabot lang sa 1.3% sang kabilugan nga mga bag-ong trabaho ang natuga sini kag 2% lang ang naamot sini sa GDP.

Sa pihak nga bahin, naggamay pa gid ang sektor sang pagmanupaktura pakadto sa lebel sini sang dekada 1950. Nakatuga lang ini masobra 15,000 trabaho tuig-tuig halin Enero 2001 o tatlo ka milyon pagkatapos ang isa ka dekada. Mas madamo pa nga trabaho para sa mga kabulig sa balay ang natuga sa pareho nga panahon (masobra 100,000 kada tuig.) Halos magkapareho na subong ang isip sang mga kabulig sa balay kag mga mamumugon nga ara sa sektor sang manupaktura.

Dugang diri, labi nga nangin bangkarote ang daan na nga garuk nga reaksyunaryong gubyrno. Nagaabot sa P1.34 trilyon ang pangkabilugan nga depisit halin 2001 tubtob 2009 o triple sa gintingub nga depisit sang nagligad nga tatlo ka rehimen nga nag-abot lang sa P422 bilyon. Nagbayad sang nagaabot sa P5.1 trilyon utang ang rehimen sa pareho nga panahon. Sa pihak sini, padayon nga nagdaku ang utang sang gubyrno pakadto P4.36 trilyon sang Pebrero 2010 o sobra doble sang P2.17 trilyon utang sa idalom sang rehimen Estrada. Umpisa sang makapungko ini sa poder, nagalab-ot sa P243 bilyon ang tuigan nga ginutang sang rehimen Arroyo. **AB**



22 armas, naagaw sa mga inaway

Baynte'y dos ka armas ang nakumpiska sang mga Pulang hangaway sang Bag-ong Hangaway sang Banwa (BHB) sa separado nga opensiba sining Hunyo 8 kag Hunyo 13.

Tatlo ka M16, lima ka Garand kag isa ka karbin ang nakumpiska sang mga Pulang hangaway sang Julito Tiro Command sang BHB sa North Central Mindanao sang sala-

kayon nila ang detatsment sang CAFGU sa Pigdosoon, Binicalan, San Luis, Agusan del Sur sining Hunyo 13. Madasig nga natapos ang inaway sang mapilasan ang tatlo ka

elemento sang CAFGU kag nagsuren-der ang isa pa. Wala sang naagum nga kahalitan ang BHB.



Napulo ka armas naman ang naagaw sang mga Pulang hangaway sang Jose Rapsing Command sa duha ka operasyon dis-arma sang Hunyo 8.

Duha ka ripleng M16, isa ka .45, duha ka .38 kag mga bala ang nakumpiska sang salakayon nila ang balay ni Roly Jimena, isa ka makawat sang kalabaw kag myembro sang pribadong hangaway ni anay Mayor Zacarina Lazaro sang San Pascual, Masbate.

Gindis-armahan man sang kumand ang apat nga siga sa Barangay Dangpanan, Placer kag Barangay Robog, Cawayan sang duha ka .45, duha ka .38 kag isa .357. Ginagamit sang mga siga ang mga pusil nga ini sa pagpamahog sang mga sibilyan.

Samtang, ginpalukpan sang eksplosibo sang BHB ang ginasakan sang 12-katawong RMG-PNP samtang nagapauli na ang mga pulis halin sa pagresponde sa operasyon dis-arma sang BHB sa Placer.

Sa Agusan del Sur naman, tatlo ka *shotgun* ang nakumpiska sang BHB sang Larangang Gerilya 21-b kag 8 halin sa tatlo ka gwardya sang Sodaco, isa ka kumpanya nga nagamanupaktura sang *palm oil*, sa Sityo Thankiu, Purok 8, Barangay Santa Teresita, Bayugan City. Ginsunog man sang mga gerilya sang banwa ang duha ka trak sang kumpanya.

4 nga bihag sang inaway, ginhilway

Makaligad ang masobra isa ka bulan nga pagkabihag, ginhilway sang Merardo Arce Command (MAC) sang BHB-Southern Mindanao Region ang apat nga bihag sang inaway sang Hunyo 15 sa pihak sang sige-sige nga mga *rescue operation* sang mga tinawo ni Maj. Gen. Carlos Holganza sang 10th ID.

Ginhimo sang Crucifino Uballas Command (CUC) sang BHB ang paghilway sa Sityo Linao, Barangay Teresa, Maco, Compostela Valley kanday Cpl. Marcial Bawagan, Ariel Asumo kag Edmundo Alcala sang Philippine Army kag Victor Pitogo, isa ka tinawo sang CAFGU.

Ginhilway sila base sa makatawong kunsiderasyon sa pihak sang ila seryoso nga paglapas sa tawhanong kinamatarung kag internasyunal nga makatawong layi. Ginhatagan sang konsiderasyon ang apela sang ila nga mga pamilya, mga relihiyoso nga grupo kag indibidwal, mga kilala kag respetado nga mga grupo kag indibidwal.

Sa paghilway sa ila, ginhatagan man sang kahigayunan ang mga nangin bihag nga padayon na nga magbag-o. Suno kay Ka Anvil Guinto, tagapamaba sang CUC, "ang pagdakop kag detensyon sa ila magaserbi man nga paandam sa mga upisyal kag tinawo sang AFP, PNP kag mga paramilitar."

Sa panahon sang pag-aresto, detensyon kag imbestigasyon halin Mayo 12, gintahod sang CUC ang mga kinamatarung sang mga bihag santo sa Geneva Conventions and Protocols kag sa polisiya sang BHB bahin sa makatawo nga pagtrato sa mga bihag-sang-inaway.

Ginkilala sang BHB ang pagbulig kag pag-asikaso sang simbahan, lokal nga yunit sang gubyerno, mga nagasakdag sang kalinungan kag tawhanong kinamatarung kag mga indibidwal kag organisasyon para mangin matawhay kag hilway ang pagpahilway sa mga bihag.

Samtang, nakabihag liwat sang duha ka armadong gaway sang gubyerno ang mga gerilya sang BHB sang arestuhon nila sanday S/Sgt. Bienvenido Arguilles sang 25th IB kag Job Latiban, elemento sang CAFGU sa idalom sang 72nd IB sa Barangay Upper Ulip, Monkayo, Compostela Valley sining Hunyo 19. Nadakop ang duha sang mag-agi sila sakay sa isa ka motorsiklo sa tsekpoynit nga gintukod sang mga Pulang hangaway. Pakadto tani sila sa ila detatsment sa Mount Diwalwal.

AB

AB

Ka Roque: Milisya sang banwa

Si Ka Roque myembro sang milisya sang banwa (MB) nga nagahulag sa ila baryo sa Notheastern Mindanao.


Ginpaambit ni Ka Roque nga bilang mga katapo sang MB, nagaagi sila sa sige-sige nga konsolidasyon sa ideolohiya, pulitika kag organisasyon. Sa idalom sang Sangay sang Partido sa lokalidad, sila may grupo sang Partido sa sulod sang MB nga amo ang nagahatag-direksyon diri, nagahimo sang mga plano kag nagasiguro sa pagpatuman sini.

Ang plano sang yunit sang MB nagasanto sa plano sang kumand sang BHB sa ila lugar. Kabahin sang ila regular nga katungdanan ang pagsiguro sang seguridad sang komunidad. Regular sila nga nagarekord kag nagahimo sang pagpaniktik. Maid-id nila nga ginabantayan ang hulag sang kaaway. Hugot sila nga nagakoordina sa BHB kag nagsunod sa mga tagubilin kag gilayon nga paabot sang kumand sini.

Kabahin man sang serbisyo nila

ang paglubad sang mga adlaw-adlaw nga problema sang masa kag pagresolba sang mga banggianay sa kubay sang masa. Bangud sa ila nga presensya, nadula ang kriminalidad kag napalayas ang mga aset nga ginatanom sang kaaway sa ila baryo. Ginapatuman man sang MB ang mga polisiya sang lokal nga rebolusyonaryong awtoridad pareho sang pagdumili sa komersyal nga pagtroso. Epektibo nila nga napatuman ang mga layi kag polisiya, siling ni Ka Roque, bangud sa mapagsik nga partisipasyon sang masa.

Masami nga makapartisipar ang mga katapo sang MB sa mga ginalunsar nga paghanas-militar sang BHB. Ang mga *drill* naman ginalun-



sar nila nga sila lang. Pirme sila nga may hilikuton edukasyon kada pagtipon nila.

Ginapahulag man ang MB sa pagpasulong sang rebolusyong agraryo, kampanya sa ikaayong lawas, hilikuton edukasyon kag pagorganisa. Nagabulig sila sa pagtukod sang rebolusyonaryong organisasyon sang Lumad, o indi gani grupo sang mangunguma, pamatan-on kag kababaihan. Nagahatag man sila sang edukasyon sa masa lakip ang Basehang Kurso Pangpartido. Ginasulong nila ang hilikuton produksyon sa sakop nila nga lugar.

Nagatungod man sila sang mga katungdanan sa pagpalapad. Depende sa mandu, mahimo sila nga magsaylo sa iban nga lugar para didto magorganisa. May pila ka panahon man nga nagaupod sila sa yunit sang hangaway, pareho kon may ilunsar nga taktikal nga opensiba. Kon mahulag ang kaaway sa baryo, ang pila ka tumod nga milisya ginapakonsentrar para maglikaw sa pagpamigos sang kaaway.

Ang asawa ni Ka Roque katapo man sang Partido kag aktibo sa pagtungod sang mga rebolusyonaryong hilikuton. Bangud halos nabuhos na ang ila bilog nga panahon sa ila rebolusyonaryong pag-

Isganan nga milisya


Lakip sa mga katapo sang milisya sang banwa ang maayo nga hangaway kag may bulawanon nga kadalag-an sa gera. Sa erya ni Ka Roque, pirme nga topiko sang estoryahanay sang masa kag mga hangaway ang pagpabagsak sang isa ka katapo sang MB sa isa ka helikopter sadtong dekada 1990. Sadtong 2006, nakapalupok sila sang tangke. Lakip sa pinakamaayo nga isnayper sa Northeast Mindanao si Ka Dandy, isa ka katapo sang MB. Antes siya namartir sadtong 2002, si Ka Dandy upod sa may pinakatalalupangdon nga rekord sa isnayping gamit ang ripleng Garand nga may nakakabit nga *scope*. Ginatantya nga nagalab-ot sa 50 ang mga nadulot nga kaswalti sa kaaway sang pagpang-isnayp ni Ka Dandy.

Pila ka mis-engkwentro sang kaaway ang naumpisahan sang mga MB. Nahimo nila ini paagi sa madasig nga pagpatunga sang isa ka 2-3 katawo nga tim sang MB sa duha ka kolum sang kaaway kag pagpalupok sa magtimbang nga bahin kag madasig nga paghalin. May kahigayunan nagalab-ot sang isa ka oras nga paglinukpanay ang kaaway. Nagalab-ot na sa 100 ang mga suldado nga napatay sa amo nga mga mis-engkwentro. AB

hulag, nagdesisyon ang organisasyon masa nga suportahan sila sa ila nga kinahanglanon. Maluwas sa indibidwal nila nga talamnan nga ginakultibar sa ululupod nga pagtrabaho, may ara man komunal nga talamnan nga amo ang ginakuhaan man sang pangsupta sa ila kagamitan militar pareho sang bakpak kag botas. "Gani talagsa lang ang pigado," tum-ok ni Ka Roque, "Nagutom lang kami kon napilitan kami nga magbakwit bangud sa militarisasyon."

Bangud kabisado ni Ka Roque kag sang mga pareho niya nga pwersa sang MB ang tereyn sa ila nga lugar, sila ang pinakamaayo nga magaserbi nga *advance force* sang BHB sa paghulag sini sa ila nga erya. Bangud man sa pirme sila ara sa lugar, hugot nila nga mabantayan ang hulag sang kaaway. Sang magsulod ang kaaway sa ila baryo, nag-inisyatiba sila nga maghanda sang mga bomba para iharas ang kaaway kag maghulat sang kumand halin sa BHB.

Pareho ni Ka Roque, upod sa mga pwersa sang MB ang pinakamaayo nga gerilyang hangaway. Ang ila kasaysayan amo ang kasaysayan sang bulawanon nga kadalag-an sa patag sang pagpakig-away.

Sa ila nga pag-upod sa inaway banwa, nahibal-an ni Ka Roque ang mga sakripisyo nga katuwang na sang pagpakig-away. Kada magsulod ang kaaway sa ila lugar, lakip si Ka Roque kag iya pamilya sa ginainitan sang kaaway. Apang ang tanan nga ini handa niya atubangon kag batuan, upod ang Partido kag mga rebolusyonaryo nga organisasyong masa. Paagi sa paggamit sang lainlain nga santo nga taktika kag ululupod nga paghulag, pursigido nila nga napaslaw ang pasistang pagpamigos sang kaaway kag padayon nga nakamot sa pagsulong sang inaway banwa. 

Joan Hinton, proletaryong internasyunalista

Sa ngalan sang pumuluyong Pilipino kag ila nga mga rebolusyonaryong pwersa, ang pamunuan kag katapuan sang Partido Komunista sang Pilipinas (PKP) nagahatag sang pinakamataas nga pasidungog kay Kaupod Joan Hinton, wala sang kakapoy nga komunista, anti-rebisyunista kag proletaryo nga internasyunalista.

Lubos nga ginakasubo sang sahing mamumugon kag pigos nga pungsod sa bilog nga kalibutan ang pagtaliwan ni Kaupod Joan sang Hunyo 8. Siya 89 ka tuig. Nagpaabot ang PKP sang hugot sa tagipusuon nga pagpakig-unong sa iya mga anak, pamilya, abyan, kaupod kag tanan nga pumuluyo nga gin-alagaran kag ginbigugma niya.

Sa daku nga bahin sang iya kabuhi, si Ka Joan, upod sang iya asawa nga si Engst "Sid" kag utod nga si William (Bill), nag-alagad sa pumuluyo nga Tsino kag wala sang kataka nga nagtinguha upod nila sa rebolusyonaryong paghimakas para ipundar ang sosyalismo sa China. Siya kag iya asawa nagtrabaho sa lain-lain nga empresa sang banwa, upod ang isa ka pabrika sang salsalon, lain-lain nga *dairy farm* kag iban pa nga proyektong agrikultural nga ginhatagan nila sang tanan nga ila pagtinguha kag pagkasampaton. Tayuyon nga nagpangabuhin sa mga mamumugon kag mangunguma, nagbulig sa pagtukod sang Partido, nagsakdag sa Marxismo-Leninismo kag nagbato sa rebisyunismo kag pagpanumbalik sang kapitalismo sa China.

Si Kaupod Joan isa sa mga una nga *nuclear physicist* sa US sad-tong dekada 1940. Isa siya sa mga ginpili sang gubyernong US para magtukod sang isa ka hubon sa Los Alamos, New Mexico nga likom nga nagahimo sang Manhattan Project para sa paghimo sang labing una nga bomba atomika. Ang paghulog sang bomba atomika

sang US sa Hiroshima kag Nagasaki kag malaparan nga kahalitan nga gintuga sini sa mga inosenteng pumuluyo nga Hapones sang 1945 nga nagpakugmat kag nagpaakig kay Kaupod Joan, amo nga ginbayaan niya ang proyekto.

Naganyat siya nga magkadto sa China sang Marso 1948 sang ang kahagugma niya nga si Sid nga nauna na sa China sang 1945 kag nagpasakup sa rebolusyong Tsino kag sa hilikuton sa mga ginhilway nga purok sa pagpamuno sang Communist Party of China (CPC) kag ni Tagapangulong Mao Zedong. Si Sid ang Amerikano nga nga eksperto sa agrikultura. Nagpakasal sila sa Yanan, mayor nga base sang rebolusyonaryong gubyerno sang pumuluyo sang magdaog na ang pungsodnon-demokratikong rebolusyon sa China kag gin-inagurahan na ang Republikang Pungsod sang China.

Sang masunod nga pila ka dekada, ginsentro nanday Kaupod Joan kag Sid ang tanan nga ila pagtinguha sa rebolusyong Tsino kag sa sosyalistang kawsa. Sa ila pag-alagad sa pumuluyong Tsino, ginpamatuhan nila ang espesyal nga trato sa mga "dumuluong nga eksperto" kag naghingyo sila sang pareho nga pagtrato, sang pagpangabuhin nga pareho sa mga lokal nga eksperto kag indi pagkabigon base sa ila espesyalisasyon. Nagtrabaho sila nga pareho sang mga mamumugon kag mangunguma samtang ginapundar nila ang sosyalismo halin dekada 1950 asta dekada 1970, gintukod ang ila

mga komuna, ginpauswag ang mga industriya kag agrikultura, naghiwat sang pagsawayanay, ginkonsolida ang Partido, nagtuon sang Marxismo-Leninismo-Maoismo kag nakigbato sa rebisyunismo.

Nasaksihan kag naagyan niya ang mga kapaslawan sa paghimakas para sa sosyalismo nga magpadulong sa pagpanumbalik sang kapitalismo sa China sang maagaw sang mga rebisyunista ang gahum sa sulod sang CPC halin 1976. Ginkundena niya ang pagtuhaw sang paghimulos sa China samtang ginakakas sang rebisyunistang liderato ni Deng Xiaoping ang sistemang sosyalista kag ginhawanan ang banas para sa pagbalik sang daku nga burgesya kag mga dumuluong nga monopolyo kapitalista sa China. Bangud sa wala kahadlok kag wala kamatayon niyang katampad sa sosyalistang kawsa kag rebolusyong proletaryo amo nga nagapadayon siya sa rebolusyonaryong hilikuton kag sa paghimakas para sa sosyalismo sa China sa pihak sang madamo nga kabudlayan nga gin-atubang niya, sang iya pamilya kag mga katuwang niya halin sang mangibabaw ang rebisyunismo kag gin-atras sini ang sosyalismo sa China.

Si Kaupod Joan, amo man ang asawa niya nga si Sid kag utod nga si Bill madugay na nga abyan sang rebolusyong Pilipino. Ang mga sinulatan nila nga nagadetalye sang ila mga inagihan sa pagpundar sang sosyalismo sa China halin dekada 1950 asta 1976 kag pagtuhaw sang rebisyunismo kag pagpanumbalik sang kapitalismo sa China halin 1977 ginakawilihan nga basahon sang mga Pilipinong komunista kag rebolusyonaryo nga maathag nga laragway sang matag-adlaw nga mga paghimakas kag praktikal nga leksyon sang pumuluyong Tsino sa pagsapraktika sang mga prinsipyong Marxista-Leninista-Maoista sa kongkretong inagihan sa konteksto sang rebolusyong Tsino, labi

na sa pagpatuman sang rebolusyong agraryo kag pagsulong sang sosyalistang transpormasyon sang agrikultura. Ang matalom nila nga pagtuon kag pagsaway sa rebisyunismo kag pagpanumbalik sang kapitalismo nga nagpamanggad pa sa aton paghakos sa Marxismo-Leninismo-Maoismo.

Nagbulig siya sa pagtukod sang paghiliusa sang pumuluyong Pilipino kag Tsino. Nangin tuman ka interesado siya sa pag-uswag sang rebolusyong Pilipino sa pagpamuno sang PKP kag sumuporta siya sa pila ka progresibong away sa Pilipinas. Nagbisita siya sa Pilipinas upod ang utod niya nga si Bill sang 1996 para magpasakup sa People's Campaign Against Imperialist Globalization kag sa People's Caravan batuk sa APEC Summit. Mainit niya nga ginbaton ang mga Pilipino nga kaupod nga nagduaw sa China kag nakipag-abyan siya sa mga pwersang progresibo kag demokratiko sa Pilipinas. Partikular siya nga naghatag sang interes kag malapit nga pagpakig-abyan sa mga Pilipi-

no nga kaupod nga babaye.

Si Kaupod Joan mapag-on nga proletaryong internasyunalista. Nagalapos sa dulunan sang mga pungsod ang katampad niya sa sahing mamumugon kag pumuluyo. Ang importansya sang iya pagtinguha kag mga sinulatan nga nag-amot sang daku sa proletaryong kontra-opensiba sa ideolohiya sang dekada 1990 kag sa panibag-o nga kapagsik sang mga rebolusyonaryong paghimakas sining nagligad nga dekada.

Padayon siya nga magaserbi nga inspirasyon sang mga pigos nga Tsino, Pilipino, Amerikano, kag iban pa nga pumuluyo, kag sa tanan nga biktima sang imperyalistang globalisasyon, malakolonyal, kag malapyudal nga paghimulos kag kapitalistang pagpanumbalik. Ang iya handumanan tubtub san-o man nakapagkit na sa mga tagipusuon sang proletaryado sang kalibutan samtang padayon nila nga ginasulong ang ila istorikong misyon nga tapuson ang kapitalismo, tukuron ang sosyalismo kag agumon ang komunismo. AB

9th ID, butigon

Mabaskog nga ginpanginwala sang National Democratic Front (NDF)-Bicol ang ginapabugal sang 9th ID nga nabuhinan sini sang 70% ang kusog sang Bag-ong Hangaway sang Banwa (BHB) sa rehiyon halin sa masobra 350 kuno nga kusog sini sang 2008. Sa isa ka pahayag sa midya sining Hunyo 19, ginsiling ni Ka Greg Bañares, tagapamaba sang NDF-Bicol, nga sa kamatuoran nagbaskog kag napanday ang BHB sa pag-atubang sa Oplan Bantay Laya 2 kag pursigido ini nga magalunsar sang mas madamo pa nga opensiba sa masunod nga mga bulan kag tuig.

Siling ni Bañares, naga-imbento sang mga kadalag-an si Maj. Gen. Ruperto Pabustan agud tabunan ang kapaslawan sang 9th ID nga piangon o paluyahon ang armadong kahublagan sa rehiyon. Siling niya, pangsaywar lang ini sang AFP para paluyahon ang kapagsik kag pagbato sang pumuluyo para sa pagbag-o sang katilingban.

Ginainsister ni Bañares nga wala bisan isa ka prenteng gerilya nga nawasak sa rehiyon halin 2001 tubtub 2010. Siling niya, bugos kag mapag-on ang mga kumand sang BHB halin sa prente asta sa lebel sang rehiyon kag pila ka beses nga mas daku ang isip sang mga Pulang hangaway kag kumander sang BHB kumparar sa paltik nga pagtantya sang AFP.



Kadalukon kag ang *oil spill* sa Gulf of Mexico

Masobra duha ka bulan nga nagaawas sa Gulf of Mexico ang krudo nga langis halin sa buslot nga mga tubo sa dagat nga ginapanag-iyahan sang British Petroleum (BP). Madasig nga naglapta ang krudo nga langis sa ibabaw sang dagat kag indi magnubo sa 64,750 kilometro kwadrado na ang ginsakup sini.

Pinakagrabe nga apektado sang paglapta sang langis ang estado sang Louisiana sa US. Ginatantya sang Mayo 30 nga sobra 110 kilometros sang baybayon sini ang malubha nga naapektuhan. Mas malapad pa ang nasakpan sang langis nga nagalapta sa idalom sang tubig. Sa pinakaulihi nga pagtanya, pwede nga maglab-ot na sa 60,000 bariles sang langis ang adlaw-adlaw nga nahaboy sa dagat sining nagligad nga anom ka simana.


Nabuslot ang nasambit nga mga tubo sang Abril 20 pagkatapos maglupok kag natumba sa dagat ang isa sa mga istruktura sang BP nga nagapangita sang krudong langis sa tunga sang Gulf of Mexico. Onse ka mamumugon nga sadto nagatrabaho didto ang nalukpan kag asta subong wala pa makita. Pila ka simana antes sini ginreklamo na sang mga mamumugon ang pagbalewala sang BP sa mga regulasyon pangkasiguruhan bangud sa pagdali kag pagkinot.

Daan na nga ginpaandaman sang mga eksperto ang gubyrnong US angut sa mga katalagman sang pagmina sang langis sa idalom sang dagat. Pero sa baylo nga maghugot, ginhalugan sang gubyrnong US ang mga regulasyon pangkasiguruhan bangud lang sa

ginsiling sang kumpanya sang langis, upod ang BP, nga bastante na ang ila mga teknolohiya para malikawan ang mga aksidente.

Luwas sa grabe nga baho, wala sang kapareho nga kahalitan ang gintuga sang pagtagas sang langis sa Gulf of Mexico kag katambi nga mga baybayon. Ginbutang sini sa katalagman ang linibo nga klase sang sapat sa dagat kag mga pispis nga nagasalig sa dagat para sa ila pagkaon kag puluy-an. Suno sa isa ka ahensya, naglab-ot na sa \$1.6 milyon ang nadula nga kita sang mga residente sang katambi nga mga lugar kag isla nga apektado sa pagtagas. Binilyon dolyar pa ang nadula sa mga negosyo kag pangabuhian nga nagasalig sa gulpo kag sa mga isla sini.

Ang BP, isa ka kumpanyang British, ang pinakadaku nga kumpanya sa United Kingdom kag pang-apat nga pinakadaku sa bi-log nga kalibutan. AB



Mataas nga sukot sang *toll fee* sa SLEX, ginpamatukan

GINPAMATUKAN sang Bayan Muna kag sang grupo sang transportasyon ang 250-260% pagtaas sang *toll fee* o taripa sa South Luzon Expressway (SLEX) sa Hunyo 30.

Ang dugang nga sukot nga gin-tawag nga "midnight highway robbery" ni Rep. Teodoro Casiño sang Bayan Muna.


Mabaskog ini nga ginapamatu-kan sang South Luzon Bus Operators Association, Confederation of Truck Association of the Philippines kag Christian International for Transparency and Accountability. Nagpasaka man sang protesta ang apat ka kongresista sang Laguna.

Nagapanawagan si Casiño sa Department of Transportation and Communication nga ibasura ang proposal nga pagpataas sa *toll fee*.

Magataas man ang presyo sang mga produktong agrikultural, plete kag iban pa nga pangunahon nga balaligyaon halin sa mga prubinsya bangud sa pagtaas sang sukot sang *toll fee*, dugang ni Casiño.

Ginpahanugutan sang Toll Regulatory Board (TRB) ang South Luzon Toll Corporation, ang tagadumala sang SLEX nga magpataas sang sukot halin Alabang pakadto Calamba, Laguna. Halin sa 82 sentimos kada kilometro, magabayad na ang salakyan nga magaagi diri sang P3.52. Magalab-ot sa 200,000 motorista kada adlaw ang minimum nga nagaagi sa SLEX. Kon madayon ang pagtaas magakolekta ang SLEX sang dugang nga 14 milyon kada adlaw.

Ginademanda man sang Pinagkaisang Samahan ng Tsuper at Operators Nationwide kay Aquino nga gilayon nga ibasura ang dugang nga sukot oras nga magpungko siya bilang pangulo.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XLI No. 12
Hunyo 21, 2010
www.philippinerevolution.net

Editoryal

Gub-on ang mga reaksyunaryong ilusyon sang paglaum

Isa ka ilusyon sang paglaum ang ginabalay sang imperyalismong US kag mga tagapabugal sang nagaharing sistema. Ang paghamtang kay Benigno Aquino III bilang bag-o nga lider sang papet nga estado ginalaragway nga patimaan sang pagbag-o makaligad ang siyam ka tuig nga lapnagon nga korapsyon, brutalidad kag pagkapapet sang rehimenng Arroyo.

Ang ginabalay nga ilusyon mayor nakatum-ok sa paglangis sa petiburgesyang urban para palig-unon ang pagsalig nila sa bag-ong rehimen kag nagaharing sistema kag palapnagon ang ilusyon nga ini sa pumuluyo. Tuyo sini nga tabunan o hatagan-rason ang pagpadayon sang mga anti-nasyunal, anti-demokratiko kag kontra-pumuluyo nga polisiya kag programa sang papet nga reaksyunaryong gubyrno kag estado.

Daku nga hangkat kay Aquino ang pagsabat sa demanda sang pumuluyo kag maghimo sang mga tikang para lagson kag si-

lutan si Gloria Arroyo. Sa pihak nga bahin, obligado si Aquino nga tumanon ang kasugtanan sa mga Arroyo nga gin-areglo sang US agud tratuhon nga ala-Marcos o ala-Estrada si Arroyo sa atubang sang mga kaso nga igapasaka sa iya. Tuyo sang kasugtanan nga ini nga mapabilin ang kalig-on sang nagaharing sahi kag sistema, kag lakip ang paghari ni Aquino.



Mga tampok sa isyu nga ini...

Panubli ni Arroyo kay Aquino
PAHINA 5

22 armas, naagaw sg BHB
PAHINA 7

Pasidungog kay Joan Hinton
PAHINA 9

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Dinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com